



**Iosephi Vicecomitis Ambrosiani Collegii Doctoris  
Observationes Ecclesiasticæ In quo [!] de Antiquis  
Baptismi Ritibus, ac Cæremonijs agitur**

**Visconti, Giuseppe**

**Parisii, 1618**

Cap. 37. Communionis post baptismu[m] figura, & causæ: quamdiu ea  
consuetudo perma[n]serit: vbi eius vestigium duret, & à quibus etiam  
nunc seruetur.

---

[urn:nbn:de:hbz:466:1-64585](https://nbn-resolving.org/urn:nbn:de:hbz:466:1-64585)

Communione post baptismum figura, & causa,  
quamdiu ea consuetudo permanerit, Vbi  
eius vestigium duret, & à quibus  
etiam nunc seruetur.

## CAP. XXXVII.

Figura cō-  
munionis  
postbaptis-  
mum.

Ioannes  
Hofmei-  
sterus.

Cur Eucha-  
ristia post  
baptismum  
daretur.

**H**uius consuetudinis similitudo, vel potius figura in veteri scriptura, clarè explicata est: cum Hebræi per mare rubrum diuinitus translati, pane cœlesti refecti sunt, ne deficerent quippe baptismus mari rubro aptè comparari potest, ac propterea baptizatos manna cœlesti pasce conueniens fuit, vt sic corroborari, confirmatique Satana, quem in baptismo valere iusserant, fortiter resistere possent. Quod tradit \* Author non spernendus in Act. Apostolor. 2. Verum alia eius rei causa commodior afferri potest, quod Baptismus à Christi Domini morte vim omnem afsecutus est, Eucharistiæ autem sacramentum Dominicæ mortis memoriam nobis renouat. Ideoque priscis religionis ministris expedire visum est, post Baptismi sacramentum, Eucharistiæ mysterijs admitti, vt Redemptoris nostri mors, sepultura, & resurrectio baptizatis ante oculos tum ad contemplandum, tum ad imitandum constituerentur. Quod vt lectori facilius persuaderi possit, S. Augustinū testem citabo, qui lib. de Ecclesiast. dogmat. ita scribit: *baptizandus confiteatur fidem suam et*

nam sacerdote, & interrogatus respondet: hoc & martyr coram persecutore facit: quia & confitetur fidem suam, & interrogatus respondet: ille post confessionem vel aspergitur, & aqua vel intingitur hic vel adspersus sanguine, vel coningitur igne, ille manus impositione Pontificis accipit Spiritum sanctum, hic habitaculum efficitur Spiritus sancti, ille communicat Eucharistia in commemorationem mortis Domini: hic ipsi Christo commoritur, &c. Quamuis enim hoc loco Eucharistia statim post Baptismum administrare metio non fiat, tamen ita intelligendum esse, facile existimabimus: si Confirmationem, cuius cum Eucharistia æqua ratio est, Baptismum subsequutum esse, meminerimus, mortis autem Domini commemoratio, quæ in allata authoritate legitur, eius causæ, quam supra significauimus, desiderati fidem haud dubiam facere potest. Accedit tertia ratio, quod baptizatos à misera dæmonum seruitute in Christi, & Ecclesiæ libertatem assertos esse, illa cæremonia significabatur: siquidem vetus mos, & consuetudo fuit, ut manumissi patroni mensæ accumberent, de qua re Tertullianus lib. de resurrectione carn. sic ait, oro te, si famulum tuum libertate mutaueris, quia eadē caro, atq; anima permanent, quæ flagellis, & compedibus, & stigmatibus obnoxia retro fuerant, idcirco illa eadem pati oportebit? non opinor: atqui & vestis alba nitore, & aurei anuli honore, & patroni nomine, ac tribu, mensaque honoratur. Quod si tempus, quo in Ecclesia durauit, inuestigare velis, ad Theophylacti ætatem, quæ incidit anno à salute

Mos Eucharistia post baptismum præbendæ duravit usque ad annū 900.

Quare cōsuetudo post baptismum cœlesti pane vescendi desierit. Vestigium Eucharistia sumendæ post baptismum Mediolanidur.

pueris baptizatis aliquot in locis, quod ex calicis ablutione superest, describit.

humano generi restituta DCCCC. peruenisse reperies: quoniam ipse ad cap. 10. Luc. eā ceremoniam tradidit hoc pacto, quod dicitur qui baptizantur, liberantur à vulneribus animæ, sicut quidem unguenti uncti, statim autem communitantes, & diuini sanguinis partitipes sunt. ad plura etiam tempora durauisse, fateri eos oportet, qui Beroldum Theophylacto posterioriorem fuisse, censent, sed ego id definire non ausim, rationum, uel coniecturarum, quibus ad tuendum impellar, inopia. Sane igitur erit. Eucharistiæ post baptismum sumendæ consuetudinem, & simul quamobrem in Ecclesia instituta fuerit, intellexisse, que nec temere abrogata fuit: propterea quod, paruulorum baptismate inuecto, qui cœlestis illius cibi dignitatem penitus ignorant, ualde timendum erat, ne grauis iniuria sacramentis inferretur: nec ita nunc quidem abolita est, quin eius imaginem videamus in uersu Ambrosiano Pentecostes, qui *transitorium* appellatur, ubi scriptum est: *hymnum canite agni mundi, lauacro fontis renati, satiari corpore Christi,* cuius posteriora uerba ad morem baptizatos cœlestis Agni cibo pascendi referuntur, quamquam & eius rei magis expressum uestigium est, quod Ioannes Eckius homil. 17. de bapt. quibusdam in locis pueris baptizatis, quod ex calicis ablutione superest, omnibus puerperij diebus præberi, testatur, & si scriptorum monumenta euoluamus, Eucharistiæ post baptismum percipiendæ consuetudinem in Græcia, & Æthiopia uigere, constabit,

Hieremias enim Constantinopolitanus, qui nuper in Græcia floruit, respons. 1. capit. 2. hæc inquit, rationi consentaneum est, baptismati etiam chrisma subiungi, nec in tempus differri, sed baptismatum continuo illius verenda communionis participem fieri. & incertus Author Græcus in S. Dionysium Areopagitam de Eccles. Hierarch. cap. 2. interprete Ioachimo Perionio, sic ait, verisimile est quidem, hæc statui, & conditioni temporum convenire, nunc autem accuratius observari in diuinorum mysteriorum perfecto missæ ministerio, in quo etiam y, qui recens illustrati sunt, communicare debent. Ex quibus pro Græciæ consuetudine certissimum argumentum elicitur. De Aethiopiæ autem more in Ordine baptismi secundum usum ipsorum ita legimus, postea sumunt sacramentum sanctum, & viniificans spondente sacerdote pro eis, corpus scilicet sanctum, & sanguinem venerandum Domini, Dei ac Redemptoris nostri Iesu Christi, quo loco ad verba, sanguinem Dominicum, in margine scriptum est, videlicet si adulti sint: alioquin enim pollicem tantum inmittit in Christi sanguinem, & eorum lingua immittit, quæ huc afferre volui: ut, diuersum ritum in Christi sanguine sumendo adultos, & infantes seruare, omnes intellegant.

Eucharist.  
post baptismum  
sumimus  
in Græcia,  
& Aethiopia  
durat.